





62

A74

624 / 4000

Arce 8660





LA
DEFFAITE DE
TROIS CORNETTES
DE REISTRES PAR
commandement de Monseigneur le Duc de Guise.



A LYON;
PAR IEAN PILLEHOTTE.
M. D. LXXXVII.

Avec approbation.

dx

Case


F

31

322

15872

THE NEWBERRY
LIBRARY



LA DEFFAITE DE TROIS COR-

netes de Reistres par Monseigneur le Duc de Guyse.



La tousiours mal pris aux subiects , lesquels sous voile & pretexte d'une nouvelle religion ont voulu remuer menage , se rebeller & secouer , s'il leur estoit possible, le ioug de leur Roys & Princes naturels. Car comme les Roys sont instituez & esleuez en ce magnifique degre pour commander & maistriser le peuple d'un Royaume par la volonte de Dieu , lequel en iceux veut représenter les craions de sa maiesté. Aussi

c'est luy qui préd leur cause en main, les tient sous ses ailles & protection, s'oppose à l'effort & violéce de ceux qui leuent la teste contre iceux: les maintient heureusement en leurs sceptres & couronnes, & renuerse les mauuaises entreprises que tels ennemis ourdissent contre la felicité & tranquillité de leurs estats. Il y en a vne infinité, s'il falloit rechercher de loin, lesquels en pourroient porter tesmoignage: mais sans sortir de ce Royaume, si l'on veut mettre en ligne de compte & faire denombrement des malheurs ausquels se sôt precipitez telle maniere de gens, on trouuera que toutes les guerres, menees, & desseins que ceux de la Pretendue opinion ont sceu dresser & entreprendre depuis que le venim & peste de la religion a infecté la France, n'ont iamais reüssy sinon à leur dommage & à la grande perte & desolation de leurs biës & de leurs vies: mais
comme

comme de l'hydre il en restoit tousiours des testes à couper, & en naissoit continuele besongne, aussi quelques playes qu'ils ayent receues, quelques victoires que l'on ait rapporté d'eux, il a esté impossible d'exterminer de tout poinct ce monstre enuenimé, tant il a ietté longues racines en ce lamétable Royaume. Voila vn chasteau dementelé, voila vne ville prise & mise à sac, voila vne plaine ensanglantée & couuerte de leurs corps: & toutefois c'est tousiours à recōmencer & retixtre de nouueau, sans que le respect, l'obeissāce naturelle, la maiesté de leur Roy, voire l'honneur & crainte de dieu les puisse amener à la recognoissāce de leur faute & amēdement de leur vie. Que si les pertes & decōfitures qu'ils ont experimēté & souffert deux ou trois années & quelques moys, leur semblent ja vieilles & hors de memoire: la fraische & recente route, & le miserable carnage

des Suysses, les deuroient faire sages
& diuertir leurs esprits & leurs mains de
leurs cruelles deliberations, veu qu'ils ne
peuent attendre de l'ysuë de la guerre
qui est encore indecise, que la mesme
fortune, laquelle a prosteiné vne partie
de leur puillance dès le commencement.
Car les Reitres & Allemans ne sont plus
valeuroux que les Suysses, les Suisses,
que lesdits François qui les ont taillé en
pieces. Qu'estce donc qu'eipere l'Al-
leman sinon que les bras des François,
lesquels se sont desgourdis avec leurs
cōpagnons executent sur eux semblable
boucherie. De fait ce iours passez mon-
seigneur le Duc de Guise estant aduerti
que trois cornettes de Reitres de l'armee
de ceux de la religion pour loger en vn
village nō eloigné des frōtieres de Lor-
raine entre Nācy & Blamon, depescha di-
ligemment deux cens hommes à cheual
sous la conduite des Sieurs Rone & de
la

la Route, bien armez, & sur tout biē disposez de combatre vaillamment & bien froter s'il les rencontroit, ou que lesdits voulussent attendre la charge ce qu'ils ne faillirent. Car estant arriuez pres du village & apperceuans iceux Reitres ils s'elancerent de telle violence & roideur contre eux qu'ils, sentirent plustost les coups & la fureur des lances & du coutelas que le bruit & nouuelle de la venue des nostres. De maniere que quelque resistance & effort qu'ils feissent pour se deffendre, en peu d'heure ils feirēt telle execution, qu'il demeura du costé des Reitres cinq cens hōmes estendus sur la place, & sans grande perre des nostres, & six vingts qui furent menez prisonniers, & de vingt cinq à trēte chariots sans cōter d'autres lesquels pour estre malaisez à conduire l'on laissa apres auoir tué les cheuaux & couppé l'atelage. Mais en recompence il en fut pris six cens autres

cheuaux des meilleurs & plus choisis. Aussi furent laissées trois cornettes, dont deux s'esgarerent durant la nuit, aussi qu'il venoit deux mille Reitres 'de secours l'autre a esté enuoyé au Roy pour tesmoignage d'un si braue exploit & de la valeur & magnanimité de monseigneur le Duc de Guyse, auquel Dieu dōne la grace de continuer en ses victoires à l'honneur de Dieu, au grand contentement du Roy & au solagement de ce royaume.

A P R O B A T I O N.

Nous Docteurs sous-signez confessons auoir leu le traicté de la Deffaite de trois cornettes de Reitres par le commandement de Monseigneur Duc de Guyse, auquel n'auons rien trouué qui soit contraire à la religion Catholique Apostolicque & Romaine. En tesmoin de quoy nous auons signé ces presentes le quatrieme Septembre 1587.

Signé N. Dandigny & Peschant.

